



4. oktober 2010

Inatsisartut suleriaasianni § 36 imm. 1 naapertorlugu Naalakkersuisunut apeqqutit imaattut matumuuna saqqummiuppara:

Naalakkersuisunut apeqqut:

1. **Ilinniartut ilinniarnerminnik unitsitsiinnartartut annikillisarniarlugit suliniutit suut maannakkut ingerlanneqarpat?**
2. **Ilinniartut ilinniarnerminnik unitsitsiinnartartut annikillisarniarlugit suliniutini assigiinngitsuni suliniutit sorliit, imaluunniit suliniut sorleq iluatsittumik ingerlanneqarsimasutut immikkut taaneqarsinnaappat / taaneqarsinnaava?**
3. **Kangaamiuni Piareersarfittussat ilinniarnerminni ingerlalluarnissaat, unitsitsiinnannnginnissaat anguniarlugu ilinnialernermi aallarniutaasartooq "inuttut inerikkiartornermut atatillugu sumiiffissiuineq" ilinnialersunut tunngatinneqartoq Naalakkersuisunit malinnaavigineqarpa?**
 - a. **Malinnaavigineqarsimappallu ilinniarfinni allani, piareersarfiit kisiisa eqqarsaatiginagit aammali ilinniarfiit allat tamaasa eqqarsaatigalugit, atorsinnaasutut misilinneqarusussinnaava?**

(Inatsisartuni ilaasortaq Karl Lyberth, Siumut)

Tunngavilersuut:

Ilinniartut ilinniarnerminnik unitsitsiinnartartut suli amerlavallaartutut nalilerneqartariaqarmat annikillisarniarlugit suliniutit maannakkut suut ingerlanneqarsimanersut paaserusunnarput.

Naluneqanngitsutuut ilinniartut ilinniarnerminnik unitsitsiinnartartut ikilisarniarlugit suliniutit assigiinngitsut ingerlanneqareernikuupput. Paaserusunnarpoq suliniutit sorliit imaluunniit suliuot sorleq iluatsittutut nalilerneqarsimanersut?

Ilisimasakka malillugit Kangaamiuni Piareersarfittussat aallartitsinnagit aallarniutaasartooq ukiuni arlaqalersuni ingerlanneqareersoq "inuttut inerikkiartornermut atatillugu sumiiffissiuineq" piareersarfittunut tamanut assut iluaqutaasarsimavoq, allaallu piareersarfittut tamarluinnangajammik naammassinninneranik kinguneqartarsimalluni.

Kangaamiuni misilittakkat iluatsittutut taaneqartut soqutiginaqimmata paaserusunnarpoq Naalakkersuisunit ilisimaneqarnermut, ilisimaneqarpatalu ilinniarfinni allani atorsinnaasutut nalilerneqarpat?